

皇朝實錄

四
冊
十

大清世祖體天隆運英睿欽文大德弘功至仁純孝
章皇帝寔錄卷之七十七

順治十年秋七月甲午朔 享

太廟

乙未

叙恢復廣東功加巡撫廣東都察院右僉都御史
李棲鳳兵部右侍郎巡撫南贛兵部左侍郎兼都
察院右付都御史劉武元太子太保兵部尚書
攷授兵部主事孔自洙為福建按察司僉事刑部
主事郭煥元為湖廣按察司僉事禮部主事李榛

為河南按察司僉事戴京魯為山東按察司僉事
戶部主事諸舜敷為陝西按察司僉事俱提調學
政

丁酉

都察院承政屠賴言臣等捧讀雨潦修省

上諭仰見

皇上洞悉百姓疾苦恤民之意切矣憶

太祖

太宗時

上天垂象甘霖屢沛者以皆合天道而行也今

上天仁愛微矣示儆正啟

皇上增修敦德以登至治臣謂宜集思廣益日與內

外大臣講究正道弘納說言庶可以合

天意而順人心也向來部院事務俱諸臣面奏近見
本章時有寺人接進臣子不得進見萬一漸為成
例則

君臣之間恐致踈遠矣今修造乾清宮設立司禮監
寺衙門二事雖屢經奉旨臣等竊有管見蓋軍民
飢苦尚未休息邊境盜賊大兵征勦尚未掃除所
需錢糧不貲京中養給官兵未有餘積去歲南方

亢旱北方水滂今年六月大雨連綿房舍傾圮田禾澆沒民間疾苦殆然可見宜暫停乾清宮工以此項錢糧給養軍民俟盜息民安起造未為晚也至前代不似我朝有內大臣蝦員隨侍故設立寺入衙門我朝左右有內大臣蝦員隨侍內一有包衣大人童京管理令

旨諭設立司禮監寺衙門寺人与近臣兼用天官禁使令固不可無寺人但不得高立衙門名色祇宜酌量与近臣兼用以供使令可也得旨這所奏說的是但朕因連日違和未得接見大臣必不詔為

成例乾清宮朕所居處工價物料俱經備辦擇吉興工已有屢旨令總管內事乃敷旧大臣忠誠為國朕自無慮萬一有如冷僧札其人者高叔作弊何以防察因公設衙門使各司其事庶無專權欺矇之患衙門雖設悉屬滿洲近臣掌管事權不在寺人且所定職掌一切政事毫無干預与歷代迥不相同着仍遵前旨行 宴歸化城土默特部落進貢甲喇章京杜稜於禮部

戊戌

和碩叔鄭親王傳集諸王貝勒貝子內大臣固山

額真內院大學士六部都察院堂上官會議以今
年雨潦異常奏請暫停殿工程以錢糧賑濟軍民
上曰王寺所奏甚是宮殿以及各項工程俱令停止
以賑濟軍民各處田地着速行踏勘賑濟事宜勿
得延緩自王以下以致各官凡祭祀飲食概宜從
儉朕亦自高節省如有積穀富室願捐助者聽其
捐助戶部登記教目即與獎勵 陞四川道監察
御史秦世禎為大理寺丞河南道監察御史張
中元為光祿寺少卿鴻臚寺少卿王誥肅為鴻臚
寺卿

己亥

日生暈從已至午圍圓在張宿度色青 定和碩
公主壻和碩額駙項帶與鎮國公秩同

辛丑

以總督倉場戶部侍郎宣永貴為兵部右侍郎兼
都察院右僉都御史巡撫南贛汀韶惠潮柳桂提
督軍務

壬寅

吏科給事中王禎言迺者霖雨為災河水汎濫沿
河一帶城郭廡舍漂沒殆盡直隸被水之處萬民

流離扶老携幼就食山東但逃人法炭不敢取番
流民涕號轉徙乞救下該提督撫按行文各局使
流民各投供單明書籍貫家口無隱匿逃人甘結
該管官必單安置庶可救此救萬生靈命所司速
議復被革二寺阿達哈：番西漢原賊以自鞫
得白也 以故三寺阿達哈：番阿哈占子阿海
炭布盧弟之子額爾格拜他喇布勒哈番兼一拖
沙喇哈番布尔賽子色勒拖沙喇哈番唐龍弟因
陣歿三寺阿達哈：番李汝通子永成各襲職
擢知縣彭長庚李騰龍為吏科付理官徐必進扈

甲忠為戶科付理官房萬達陳洪柱為禮科付理
官孫蘭張季禮為兵科付理官程可近張時戒為
刑科付理官陳秉彝李登第為工科付理官

癸卯 己刻日生暈上下漸絕青赤黃色

甲辰

宴外藩蒙古二十七固山聽事頭目隨從人於禮
部

乙巳 辰刻日半暈旁有珥

擢內國史院中書舍人李裊為禮科給事中河南
中牟縣知縣晉淑軾為兵科給事中：書科中書

舍人陳忠靖為刑科給事中內秘書院中書舍人
翁自涵浙江桐廬縣知縣張玉治俱為工科給給
事中

丙午

諭內三院曰朕奉

聖母面諭予居深宮之中不聞外事近知雨潦為災
房舍傾圮田禾淹沒兵民困苦深可憫惻特發宮
中節省銀八萬兩以濟賑滿漢兵民朕仰承

慈旨命爾等傳諭戶工二部即將發去銀兩查照被
災輕重散給仍設法稽察毋致侵冒朦混務使貧

苦之人均沾實惠以彰

聖母德意

戊申 中元節遣官祭

福陵

昭陵及

四祖陵

庚戌

皇第二子福金生

索倫部落巴達克圖首進貢

貂皮晏賚如例

辛亥

諭內三院曰朝廷設立言官原為繩愆糾繆事關
朕躬尚許直言無隱况諸司過失理當糾率其言
果當宜虚心靜聽即言有未當止宜久晰事理听
候裁定原不宜私嗔報復近見科臣言事該部回
奏輒援引律又欲以箝制言官自匿己非若如此
角口使人不得言任意所為上下不得知殊負朕
任人求治之心念向未申飭不知規矩姑未深究
以後再不許如此言官論事亦不須明白確指不
得擴拾風影挾私妄詐着通行疾飭內院即傳
諭行 以戶部侍郎馬鳴珮為提督倉場侍郎

陞內翰林弘文院侍講沙澄為國子監祭酒 陞
正旗烏真超哈甲喇章京賽音達禮正紅旗烏真
超哈甲喇章京王國雅各為本旗梅勒章京

壬子

夜月生暈在奎婁二宿

甲寅

以都察院副都御史范達禮為戶部侍郎 以鑲
紅旗滿洲固山阿達哈、番恭尔索為甲喇章京
陞河南河南府知府楊所修為江南按察司付
使鳳宿道磁州知州沈秉公為江西按察司僉事

穎州道

乙卯

命內翰林國史院學士傅以漸教習庶吉士
陞詹事府少詹事胡兆龍為詹事為內翰林秘書
院侍讀學士侍讀學士李顯崇為詹事府少詹事
兼內翰林國史院侍講學士侍讀學士梁清寬為
詹事府少詹事兼內翰林弘文院侍講學士侍講
學士陳壙為內翰林弘文院侍讀學士黃志遠為
為內翰林秘書院侍讀學士左春坊左庶子楊思
聖為內翰林國史院侍讀學士右春坊右庶子夏

敷九為內翰林秘書院侍講學士侍讀李爵為內
翰林國史院侍講學士艾元徵為左春坊左庶子
兼內翰林秘書院侍讀侍講莊同生為右春坊右
庶子兼內翰林弘文院侍講右春坊右諭德周啓
雋為內翰林秘書院侍讀司經局洗馬馮溥為內
翰林國史院侍讀左春坊左中允卓彛為內翰林
秘書院侍講黃机為內翰林弘文院侍講右春坊
右中允李目為右春坊右諭德兼內翰林弘文院
修撰章雲鷺為司經局洗馬兼內翰林國史院修
撰國子監司業王熙為左春坊左庶子兼內翰林

秘書院編修左春坊左贊善方懸成為左春坊左
中允兼內翰林弘文院編修左敬祖為右春坊右
中允兼內翰林秘書院編修右春坊右贊善何采
為右春坊右中允兼內翰林國史院編修檢討李
中白為左春坊左贊善兼內翰林秘書院檢討編
修姜元衡為左春坊左贊善兼內翰林弘文院檢
討王清為右春坊右贊善兼內翰林秘書院檢討
張士甄為右春坊右贊善兼內國史院檢討更
定出征諸王各官每月廩給和碩親王二百兩多
羅郡王一百兩多羅貝勒五十兩固山貝子四十

兩鎮國公輔國公異姓公各二十五兩固山額真
侯伯各二十兩梅勒章京蠶章京噶喇昂邦精奇
尼哈番各一十五兩署梅勒章京蠶章京跨蘭大
阿思哈、番學士各十兩擺牙喇甲喇章京噶布
什賢章京阿里哈超哈甲喇甲章京阿達哈、番
侍讀學士各七兩署擺牙喇甲喇章京噶布什賢
章京阿里哈超哈甲喇章京拜他喇布勒哈番理
事官各五兩半柔章京付理官額者庫噶布什賢
蝦拖沙喇哈番各番各四兩拖沙喇哈番品級官
以壯大分得撥什庫安署章京以壯大委噶布什

蝦內院他赤哈：番筆帖式哈番各三兩內有官
小而所管職掌大者始職掌支給官大而管職掌
小者始官支給 戶部會同大小九卿議疏通錢
法以後鑄錢務必定式每文重一錢二分五厘精
工鑄造背面鑄一厘二字每千文作銀一兩炭餉
內外上下畫一通行如有不遵者治以重罪其見
行旧錢原有高低厚薄不勻難以強齊一切面易
以應暫從民便至外省錢法應責成右布政使尚
督炭查得旨錢法難行皆因設炉太多鑄造不精
所致見今官鑄該部議減炉座務要精工如式背

面漆一厘二字上下通行有不遵者依律治罪其
已行制錢姑從民便各省責成右布政使尚理設
法稽察聞向來官炉夾帶私鑄尤為國病再犯始
枉法贓坐罪其私鑄奸民不肯炭查若仍前違犯
事發並該地方官根究重處

丙辰 酉刻雨雹大如榛束

丙辰

宴喀尔喀部落土謝圖汗貢使已燕蝦等予禮部
陞江寧付使林天肇為湖廣布政使司叅政管
布政使事廣東按察使曹國柄湖廣布政使司

右布政使 湖廣沅州總兵官韓友卒于官

丁巳

封和碩肅親王庶子郭太烏黑訥為輔國將軍

己未

以梅勒章京張朝璘為都察院付都御史

阿達哈、番沙爾唐為戶部理事官 補服闋原

任鴻胥寺少卿夏燿如原官

庚辰

諭內三院曰廣東賊勢潰散地方漸平且去湖南
遼遠應需任兩三及該督抚料理江西切近湖南一

應用官調兵事宜時有閩涉袁州吉安一帶餘賊
未靖應抚輯勦禦着經畧輔臣洪承疇兼理勅印
即与換給尔内院即傳諭行

辛酉

命多羅安郡王岳洛為宣威大將軍統領官兵戍
防錦州化城賜之勅諭曰勅諭多羅安郡王岳洛
等曰今聞喀尔喀部落相約學岳向我宜為預防
茲命尔為宣威大將軍屯駐歸化城尔受命督師
一切軍務悉与諸將商酌相机而行勿謂已能而
拂衆勿恃兵將勇而輕敵營壘偵探謹慎勿懈錄

功務實行法務新尚喀爾喀兵至回利乘便攻其
不備倘敵兵勢衆速行馳奏以便益兵勿輕易疎
失務保吾師以爲破敵行間功罪久別奏明其各
官小過多不得撻什庫壯大以下應如外者即與衆
商酌處分欵此毋怠 刑科給事中陳忠靖言臣
伏讀

上諭云朕朝夕乾惕冀近時和一意修省祇懼

天戒臣愚以爲過災知儆徒言修省尚屬虛文若不
速開經筵于前代所以格天勤民之學日講求
終無裨益居德不日進則必日退義理之言日踈

則逸樂之事日親即

皇上萬幾之暇未嘗不讀書稽古然聆言察理日
事納忠皆于經筵是賴臣又讀

上諭云看工部即將文華殿起造以便講求古訓繼
又以錢糧不敷暫許罷工如此因循恐非汲汲求
治之盛意也請於太和殿前後左右擇其間曠殿
閣一處酌定每月講學日期令輔臣講官盡心啓
導不必效前代經筵故事儀制畢集以爲美規則
天下幸甚

上以其懇摺沽名責令回奏

壬戌 卯刻霧青白色

癸亥

河南巡撫吳景道以老疾乞休允之 予衍聖公
孔興燮妻馮氏祭瘞如例 河道總督楊方興再
疏乞休不允
八月甲子朔

喀爾喀部落額爾德尼哈譚巴高魯等貢馬宴賚

如例

日半暈色黃白 陝西紫陽縣大雨水蝗

乙丑 夕

月于西郊遣刑部尚書覺羅巴哈納行禮

丙寅 夜有流星大如盞色青赤有光起自中

天西南行入天而垣

丁巳

遣大學士額色恭祭

先師孔子

戊辰 祀

大社

大稷

辛未

降蘓松巡按李成紀三級調外用以按着停止已
久成紀留滯地方且違法市恩欲為賍官胡必泓
等出脫故也 以右贊善曹本榮為國監司業

壬辰申

太宗文皇帝忌辰

昭陵

甲戌

太祖武皇帝忌辰遣官祭

福陵

霧色青白如細雨 夜月暈木星在暈內

丙子

河北總兵孔希貴以年老勒令致仕

丁丑

上幸睿王邸時一寺蝦路蘭兔聞隨駕內大臣及蝦負
不足二十人逐度此行莫測遂急歸家挾弓矢追
從之至是佳其不怖死急君賞十丁之庄一鞍馬
全付銀五百兩陞二寺阿達哈、番為一寺阿達
哈、番 夜月暈

戊寅

以一寺蝦覺羅馬格蘇為宗人府理事官調兵部

啟心郎初徹白為戶部啟心郎 贈殉難湖廣靖
州知州沈一恒為本省布政使右叅議廕一子入
監讀書

壬午

和碩公主下嫁平西王吳三桂子應龍公主

太宗皇帝第十四女也 平南王尚可喜等奏報官

兵恢復化州及吳川縣下所司知之

甲申

更定武職品級首城掌印都司從二品叅將正三
品遊擊都司簽書首屯操都司行掌印都司行屯

操都司俱從三品守備正四品付守備從四品守
禦所千總正五品衛千總從五品 刑部題朝審

事宜定期于霜降後十日舉行將情真於疑有詞
各犯分為三等各其一本請旨具情真各犯奉有

御筆勾除者方行處決在外則會同三司查應決
囚犯酌量行刑其餘仍監候旨奏聞直隸地方則
刑部差司官二員前去會同督撫審決從之

丙戌

起原任巡撫陝西都察院右付都御史雷興仍前
銜巡撫河南

丁亥

大學士馮銓陳名夏成克鞏張端劉正宗言今日
禮部臣至內院傳

上諭察前代廢后事例臣等不勝悚懼竊惟

皇后母儀天下關係甚重前代如漢光武宋仁宗明

宣宗皆稱明主俱以廢后一節為盛德之累望

皇上深思詳慮慎重舉動萬幸瞻仰將在今日得旨

摠奏皇后母儀天下關係至重宜慎重舉動由此規

之皇后寔是非輕惟其至重故廢無赦之人尔等

身為大臣反於無益處其奏沽名大不合理着爰

飭行 科尔沁固多羅郡王奇塔特薨以其子額

尔德尼阿霸孩部落固山達爾漢貝子多尔吉卒

以其子綽博知各襲職 以故三等阿思哈、番

綽尔吉孫西喇二等阿達哈、番俄習札叔之子

翁俄綽三等阿達哈、番巴達子巴特馬什阿巷

哈子馬納得休子額里宜珠子額爾虎內拜他喇

布勒哈番兼一拖沙喇哈番高成功子嵩續順公

下一等阿達哈、番沈志魁子永興羊老致仕一

等阿思哈、番勤長春子之麟一等阿達哈、番

兼一拖沙喇哈番李維藩子春孫三等阿達哈、

番徐九爵子啟蕃蔣秉忠子永錫各嚴賊

巳丑

諭礼部曰朕惟自古帝王必立后以資内助然皆
慎重遴選使可母儀天下今后乃睿王于朕幼冲
時因親定婚未經選擇自冊立之始即与朕志意
不合宮闈參商已歷三載事上御下淑善難期不
足仰承

宗廟之重謹于八月二十二日奏聞

皇太后降為靜妃改居側宮

庚寅

礼部尚書胡心安侍郎呂崇烈高珩言夫婦乃王
化之首自古帝王必慎始敬終今于本月二十六
日忽接

上諭今

后不能祇承

聖意降為靜妃臣等思八羊冊立之初恭告

天地

社稷

宗廟以及布告天下今二十五日奏告

皇太后即日降為靜妃

聖諭中未言及與諸王大臣公議及告

天地
社稷

宗廟臣等職司典禮所奉勅諭若不傳宣恐中外未
悉若遵奉得宣恐中外疑揣伏願

皇上慎重詳審以終始恩禮疏入下議政諸王貝勒
及大臣內三院九卿詹事六科都給事中各掌道
御史會議具奏 禮部樣制司員外郎孔越官臣
臣辦事署中偶聞廢
后一事不覺悚然及見馮銓等奏

聖諭內有故廢無能之人尤為駭絕竊思天子一言
一動萬世共仰况我

皇后定位三年不聞顛有失德特以無能二字定廢
謫之案何以服

皇后之心且何以服天下後世之心臣等考往古如
漢光武后唐之長孫后敦朴儉素皆能養和平之
福至于吕后武后非不聰明穎利傾危社稷均作
亂階諺云男子有德即是才婦人無才即是德也
今

皇后無能自是天安萬厚亦何害乎為中宮而迺議及

易即談

皇后必不諧

聖意亦可做旧制選立東西二宮共襄內治若夫廢
后一節千古典禮所在一時風化攸關豈有驚人耳
目者且

皇上以來天下以為堯舜復生今忽有非常之牽傳
之聖子神孫豈開國之主所宜有耶臣思

皇上天下之父

皇后之天下之母父有出母之念為人子者即心知
母過尚不免流涕以諫况絕不知母過之為何事

又安忍緘口於父之側而不為母一請命耶臣忝
承聖裔兼任典禮此職掌所在安敢存畏斧鉞顧
身家之心一念孤忠伏祈

聖鑒章上並下諸臣議

辛卯

遣房山縣知縣祭金帝陵 遣官祭歷代帝王及
城隍之神 廣西巡撫陳維 疏報逆賊李定國
自肇慶直犯平樂府：江道周永緒平樂府知府
尹明廷平樂縣知縣余起鵬富川縣知縣董鍾俱
遇害詔所司察緝

壬辰

以正藍旗烏真超哈固山拜他喇布勒哈番劉芳
學為甲喇童京 贈故總督浙閩兵部右侍郎陳
錦為兵部尚書廕一子入監讀書 陞陝西河西
道叅政劉三元為河南按察使司按察使山東驛
傳道叅政董應魁為福建按察使司按察使山東
青登萊道付使徐大用為福建布政司左叅政福
寧道直隸真定府知府崔成名為浙江按察司付
使驛傳道福建邵武府知府崔昇為陝西按察司
付使西寧道山西提學道僉事張四教為陝西按
察司付使西路兵備道浙江提學道叅政翟文蒼
為陝西按察司付使驛傳道浙江温州府同知劉
繼昌為廣東按察司僉事海北直處州府同知周
日燦為廣東按察司僉事南韶道補原任四川遵
義道董顯忠為江西布政使司使右布政使饒南
九江道降補原任陝西潼關道付使陳素抱為江
南按察司僉事淮海道 補外轉侍講韋成賢為
江南布政司右叅政江南等府督糧道諭德張爾
素為江南布政司右叅政江寧道中允傅維鱗為
山東按察司付使東昌道編修張道暹為湖廣布

政使司左叅政荆南道吏部主事宗琬為陝西按察司僉事龐西道御史宗敦一藩朝選陳鼎張璿杜果聶玠張嘉李敬劉秉政陳自德祖永杰高尔位白尚登祖達明合疏言臣等捧讀降

母后為靜妃之諭又見故廢無能之人之旨不勝駭異伏思宮闈之化莫盛成周文王之妃太妃嗣徽太任祇頌幽閑貞靜之德而不及其能誠以母儀萬國表正六宮非才能外見之難而繩德內蘊之為難

皇后不聞失德忽尔見廢非所以昭示風化也今

皇上復允礼臣之請勅諸王大臣會議在諸臣知必以經常為重而臣等犹過慮者綸音一播不無為聖德之累伏乞收回成命以俟會議

宗廟

社稷寔式靈之疏入

上以宗敦一等明知有旨會議讀奏沽名下所司議

大清世祖睿天隆運英睿欽文大德弘功至仁純孝
童皇帝寔錄卷之七十八

順治十年九月癸巳朔

遣官祭紅衣殿之神 夜月流星大如彈丸黃色
起天中行入箕宿 諸王貝勒大臣內院九卿詹
事科道會議禮部尚書胡克安等疏及儀制司員
外郎孔胤樾疏曰禮部堂司諸臣所言寔據典禮

皇上立

皇后之始既祇告

天地

宗廟加上

昭聖慈壽恭簡皇太后徽號詔布天下禮難輕易伏

乞

皇上仍以

皇后正位中宮即命禮臣考據典禮選立東西兩宮

則木支日茂

聖德益光可為萬世法矣得旨朕納后以來緣志意
不暢另居側宮已經三載從古廢后遺議後立朕
所悉知但勢難容悉故有此舉着議政諸王貝勒
大臣及會議各官再議具奏漢官諸臣規諫固意

在受君尤須真聞確見事果可行朕自聽從今全
無聞見以必不可從之事揣摩進奏欲朕必從莫
勉溺朕盡朕之道豈在于此孔胤樾奏內云不聞
顯有失德不知毋適何事等語如果知無適之處
指寔奏來

丙申

禮部儀制司員外郎孔胤樾回奏疏曰臣奏旨指
寔回奏切念小臣雖在輦轂之下一年之中除郊
祀朝見得以仰瞻

天顏餘亦無由

聖况

皇后居深宮之中其有過無過非惟人臣不及知即
內臣亦不敢知但臣守有祖訓惟知事君如事父
痛念父母偶有不諧已屬人倫之變若再順言毋
適以重父之怒此不待問知為廷子矣臣前疏一
則曰未聞失德再則曰不知母過亦不過仰冀
君父動悔悟之機開慈母一迂善之路以自附于幾
諫之義而其豈無有他念也臣初所策慮者恐天
下謂
皇上容包萬物至不肯容一妻後查責臣子英俊滿

朝至不能匡一母所以於輔臣既奉茂論之後冒
死陳奏臣今日可以對

皇上異日可以對臣祖要亦惟此一念惟此教言耳
今

聖諭內有云從來廢后遺議後世是

皇上曉然于古今之大倫有去諸臣規諫固意在愛
君是

皇上又洞白諸臣之苦志

聖主在人臣復何言惟有席藁待罪靜聽

皇上之處聞而已疏入報聞 加致仕巡撫河南兵

部尚書吳景道一級廕一子入監讀書以其抗豫
有羊芳績茂著故也 旌表廣東惠州府河源縣
民陳慶公妻林氏貞節給銀建坊如例

丁酉

叔和碩鄭親王濟爾哈朗等會議廢后事言後頒
聖旨甚明臣等亦以為是無庸更議得旨廢后之事
朕不樂為但容恐已久寔難終已故有此諸王大
臣及會議各官既共以為是着遵前勅行

戊戌 知刻霧青白色

子狗難巡按廣西監察御史王荃可祭瘞如例

庚子

巡撫甘肅兵部右侍郎周文業引疾乞休不允

辛丑

禮部祠祭司郎中郭一鵬上言臣辦事衙門屢奉
上傳取用藥味且見設立御藥房造藥于內臣興
思之我

皇上羊威德茂可為堯舜政宜究心經史日與滿漢
大臣講用行政平治天下之大道今一旦留意
醫藥雖無誤政事臣謂五穀乃養身之物無論金
石之味不可以宜人如人參附子海狗鹿角等藥

俱不可輕用如人有老幼虛弱藥有溫涼洩補必
之時不可輕補猶老之時不可輕洩倘用不得宜
則養人者反足害人從來帝王恒慎之我

皇上上承

宗社之重下開億萬年之基一身所係非輕敬

天尊

祖仁民愛物即福祿永康之本臣之草木之味其美
有限孟子曰養心莫善于烹欲誠孔子言也伏願
我

皇上勤飲食謹嗜欲省遊玩親大臣惟以有用之精

神注之政事文學將見理義悅心清明強固萬年
有道之長端在此矣又何醫藥之足云也得旨取
用藥味原為給付宮眷近臣郭一鵬何得擬揣進
寔係借題沽名看從重議處

壬寅

宴繼換勅印進貢方物翟曇寺九寺國師公葛丹
淨寺及瑞慶寺住持喇嘛三旦此住寺于禮部
昏刻大霧色青白

癸卯

理藩院奏喀爾喀部落土謝圖汗下索諾顏額爾

德厄遣阿言齊等進貢駝馬至張家口外請旨定奪下議政王貝勒大臣議王等言前有旨喀爾喀若全歸我巴林之人遣為首貝子謝罪來朝爾時再為酌定今應遣啟心即烏格等往視若巴林之人全還為首貝子來朝則令彼進口否則逐之報可

己巳

授拜他喇布勒哈番張勇為三等阿達哈、番以其投誠兼有戰功也

丙午

陞戶部理事官介山為兵部啟心郎

丁未

烏思藏闡化王望書遣索訥畢喇席等進千人貢物賞賚如旧例

戊申 夜月暈

陞甲喇章京阿思哈、番龜敬為都督同知充總兵官鎮守河北等處

辛亥

命准頂淨覺弘濟大因師公固丹精准頂廉濟弘善因師禱習桓卓尔等俱仍旧號改給勅印高書

仍頒諭西寧寺處官吏軍民人等勿侵擾所居佛
寺 吏部議覆禮部祠祭司中郭一鵬賤掌藥
味見大內改用藥材不知為給濟宮眷近臣擬揣
進奏應罰俸一年得旨郭一鵬擬揣冒奏本當重
處念小臣無知着降一級調外用

壬子 夜有流星大如彈丸赤色尾跡有光出
畢宿行入紫微垣 刑部覆刑科右給事中劉餘
謨疏云今年立秋將在外死罪通行具奏今立秋
已過應于明年奏請其三覆奏屢經臣部覆准不
便舉行得旨人命至重着始三覆奏例行

乙卯 辰刻至午刻日生暈青赤黃白色

丙辰

禮部言中宮未宜久虛應循典禮及時慎選冊立
仰慰

社稷

宗廟之靈俯昌奕葉之祚詔議政諸王貝勒及大臣
內三院九卿詹事科道會議具奏 靖南王耿繼
茂靖南將軍昂邦章京哈木克復潮州捷聞下
部議叙

丁巳

送渠孫守堅金偽宜川王朱敬鑿盤踞紫陽地方
糾連川湖諸孽負固十年提督孟喬芳遣兵官
趙光瑞等討平之授圍下部察叙

戊午

遣禮部尚書覺羅即丘碩所奏

皇后勅諭于朝鮮國

己未

奉慈武皇后忌辰遣官祭

福陵

冬十月癸亥朔享

太廟 頒時憲曆遣官祭

福陵

昭陵及

四祖陵 順天府舉行鄉飲酒禮 予湖廣殉難清

州知州沈一恒祭瘞如例 陞湖廣漢陽參將趙士

忠為我崗付將 命浙江提督田雄移駐定海

乙丑

補原任江南江寧道付使鍾鼎為陝西按察司付
使分巡河西道原任山西道監察御史崔胤弘為
江南按察司僉事分巡安序道原任戶部郎中楊

三辰為陝西按察司余事分巡關西道 陞山西
冀寧道付使田起龍為山東布政使司叅政分守
青登萊道 江西巡按米襄坐審叅將趙鴻一案
援赦夫律降三級調外用 請園民間房給
移往永寧四海堡及關外看守山梨壯丁得旨地
准撥給房令自造不必園占其民地被園者該管
官即照教撥補勿令失業以後仍遵前旨再不許
園占民間房地 朝審時有因張學坐傷入應抵
其子玉兒位請代死法司以聞
上矜其情特免死遣戍遼陽仍諭後不為例 直隸

山東河南總督馬光輝漕運總督沈文奎奏膠州
運鎮海時行叛亂臣等奉詔招抚隨統官兵渡黃
河追至永城兩路夾擊俘斬甚多時行勢窮殺其
党渠學進文等率子弟及旧部赴軍前降疏入下
所司叙卹海時行等令議罪

丙寅 日生半暈

遣固山額真濟什哈等率官兵往勦山東土寇

丁卯

宴朝鮮國貢使洪柱元尹絳等如例

戊辰

諸王貝勒大臣內院九卿詹事科道遵旨會議選
后典禮應于在內滿洲官民安于在外蒙古王貝勒
以下大臣以上女子中謹慎選擇制曰可兵科給
事中張璠言前見

聖諭令各衙門叅同奏事顧問商酌又見諸臣疏請
經筵日講屢奉俞旨仰見

皇上興學為治之盛心也請於臨朝所政之暇命儒
臣取大學格致誠正修齊治平之道詳悉敷陳復
取宗臣司馬光資治通鑑列為法戒及我
朝典則可觸類旁通者比勸叅決論道之餘更與諸

大臣商確內外安攘至計并法唐太宗旧制召諫
官隨大臣後議事講求至理庶一心一德喜起再
見矣下所司平南王尚可喜引疾疏請回京調
理

上以潮廷初平正資料理不允
己已

日有抱背氣生在右珥黃色 賜陝西瞿曇寺九
寺耆僧公葛丹淨寺表裡衣物有羗 以正白旗
烏真超哈理事官徐督通為甲喇章京 贈廣西
殉難巡按監察御史王荃可為太僕寺少卿廕一

子入監讀書 歸併甘肅學政于分守西寧道
庚午 昏刻火木二星合于女宿度
辛未

裁直隸大沽營遊擊一員歸併曹沽營改紫荆路
隸真定鎮裁畿內額兵一千一百名切石口兵五
十名增紫荆關兵五十名裁山東沂州鎮遊擊二
員守備一員千把總六員臨清城守營千把總三
員兵三百名壽張營兵二百名

壬申

浙江巡按石應泰坐追贓獲赦徇庇降二級調用

宴外藩蒙古二十七固山聽事頭目及隨從人

於禮部

乙亥 夜月生暈

丙子

遣內大臣巴圖魯公鰲拜等至和碩敬謹親王第
報王訃輟朝三日

丁丑 辰刻黃霧四塞

遣內大臣達爾漢諾顏俄齊爾及蝦員賚酪酒往
迎敬謹親王之喪

己卯

諭內三院曰朕居深宮之中未嘗備悉民間之疾
苦聞邇來兵民凍餒流離載道朕甚疚心寢食不
安今欲拯救民之疾苦必何策而後可着議政諸
王貝勒及大臣內三院九卿詹事六科都給事中
各掌道御史會同酌議具奏 遣官諭祭和碩承
澤親王妃 以牛采章京吳廷祿為兵部理事官
增設江西水師都司一員 兵部言救鎮海時
行等負國厚恩公行叛亂稱王僭號殺官屠城勢
窮力竭方行就抚大逞罪在不赦應俱斬以徇從
之 河南巡撫吳景道疏報開封等府共開荒田

一萬一千二百五十頃有奇 宴朝鮮國貢鷹太
監史成序等于禮部 四子部落達爾漢卓札克
焉即王溫布覺以其子奇塔特襲職 孔魯特部
落多羅貝勒尚嘉布覺以其子巴拜襲爵 以故
三等阿思哈：番吳賴子願得一等阿達哈：番
卓爾馬子內黑焉三等阿達哈：番額參子沙戴
納哈處來係納三珠奇堂古尔兄特黑羊老致仕
一等阿達哈：番兼一拖沙喇哈番脫克脫惠子
西喇布拖沙喇哈番亢成鳳子熙安各襲職 二
等阿達哈：番達思桓有罪削其三次恩詔所加

之取其所襲伊父拜他喇布勒哈番令伊弟和穆齊襲之

庚辰

定遠大將軍和碩敬親王尼堪靈親自湖南回京命和碩親王以下三品官以上出郭十里外迎既至

上欲親臨其喪諸王大臣以彼地出痘力諫乃止

命三法司凡審擬死罪議同者合其看語不同者各其看語奏聞永著為例同安侯鄭芝龍言前命招抚逆弟鴻遠逆子成功臣即遣人貽書傳宣

聖意俱未受封

上以鄭成功比至王索地誇詐大言其欲不可饜足着議政王貝勒大臣集議以聞

辛巳 夜月暈

壬午

卹叙州重慶陣亡將士贈都司俞書曹大川為署遊吉部劉都司呂克忠張奇勳王效舜為遊吉外付將孫友才遊吉高飛熊部劄守備李應第哈什局徐仲武設進學李雲龍王興基王國臣俱寔授餘各給銀如例

癸未

致仕太子太保都察院左都御史房可杜卒

甲申

喀爾喀部落土謝音汗下索訥厄爾德尼遣阿顏齊等貢駝馬宴賚如例起原任太僕寺少卿曹溶戶科右給事中劉鴻儒吏科給事中林起龍原工科給事中張王治條議救荒四事一緩徵之令宜下一勸賑之格宜懸一贖緩之積宜蠲一開津之稅宜寬得旨這條議俱平易切實命所司議奏河南巡撫右付都御史雷其赴任至趙州道

卒

乙酉

命設粥廠賑濟京師飢民免直隸通密永平易州井陘昌平霸州所屬州縣衛所被水災本年田地額賦

丙戌 給修

福陵

昭陵

興京陵匠役冬衣 逆党楊得先伏誅初有朱由極者自稱為故明泰昌帝第三子得先等推以為主造

偽劄偽印妄授官爵招集黨羽潛謀不軌為宛平縣民竄忠弼所首事聞命諸王貝勒大臣內院九卿詹事科道等官會鞫得實磔其為首七人斬其附從者二十二人 禮科給事中李裀疏劾銓司宋學洙典試河南貪淫不法下所司察議

丁亥

遣內大臣公鼐拜巴魯諭祭和碩敬謹親王夜大霧色青白

戊子

諭內院大臣於太和門外直辦事先是各部奏

事畢仍携本章回部擬旨方送內院常致舛錯後于奏事時即御批發內院至是

上以本章太煩不暇遍覽若竟送內院又恐併弊命和碩鄭親王同諸大臣更議于太和門捧一便室令大學士、寺官分班入直本章或

上親批或於

上前批若有應更改之事即面奏更改庶几無弊議上許之於是欽定大學士學士名次為二直更番在內辦事 遣禮部右侍郎高珩諭祭明末殉難諸臣范景文等一十六人各予謚范景文曰文

忠侃元璐曰文貞李邦葉曰忠肅施邦耀曰恭慈吳
麟徵曰貞肅周鳳翔曰文介江偉曰文毅吳甘來曰
莊介王章曰節慈陳良謨曰恭潔劉理順曰文烈馬
世奇曰文肅成德曰介慈鞏永固曰忠烈金鉉曰忠
潔太監王承恩曰忠節 諭內大臣巴高魯公鰲孫
伯索尼曰覽刑部奏言緝拿逆賊夥黨併獲有未經
薙髮優人王玉梁七子二人口供身係戲子欲扮女
粧以故未經薙髮如我等各省俱有等語前頒示
不薙髮者斬何嘗有許優人留髮之令矣禁已久此
輩尚違制蓄髮殊為可惡令刊示戾諭內外一切人

等如有托稱優人未經薙髮者遵法速薙頒示十日
後如有不薙髮之人在內送刑部在外該管地方
官奏明處斬不貸

庚寅

工科給事中魏裔介條議拯救八事一發倉減價
糶與八旗及京師窮民一流民所至地方官給印
示准其入籍墾荒一流民既棄其鄉所遺戶丁差
徭即與豁免一各處給發軍餉取營共寔收結狀
每季彙報以杜侵尅一各扼鎮死亡兵馬未支糧
餉宜公賞見在軍士一查荒不許通一月其已蠲

者有司造冊一存而錢糧及不急銀項以備賑濟
一禁屠戶宰殺耕牛下所司酌設

二
卷之七十八終

卷之七十八終

大清世祖睿天隆運英睿欽文大德弘功至仁純孝
章皇帝寔錄卷之七十九

順治十年十一月癸巳朔

甲午冬至祀

天於

圜立 遣官祭

福陵

昭陵及

四祖陵 遣官祭

三皇

乙未

上朝

皇太后於慈寧宮還御太和殿諸王大臣行慶賀禮
是日公主王妃以下一品命婦以上俱詣
皇太后宮朝賀

丙申

川陝總督孟喬芳引疾乞休溫旨慰留之 設遼
陽府附郭遼海縣改海州為海城縣 陞江南按
察司謝道為福建布政使司右布政使陝西督糧
道付使董應徵為山西布政使司右叅政奠寧道

陝西鞏昌府知府員盡忠為山東按察司付使驛
傳道戶部郎中加太僕寺少卿劉餘璫為河南按
察司付使通密道

丁酉

遣內大臣公額尔克代青諭祭定遠大將軍和碩
敬謹親王尼堪 予三寺阿達哈、耆鍾托賴祭
一壇 戶部言

皇太后頒發賑濟銀兩除給散八旗被災兵民外餘
銀一萬兩請即分賑京城窮困兵民從之

戊戌

三法司議經略洪承疇疏奏拜他喇布勒哈者張
任先隨營犯令酗酒淫掠宜以軍法從事相應即
於軍前正法報可 敕諭海澄公靖海將軍鄭成
功朕惟聞海奧區兵戎重寄宜資勳胄以靖封域
爾鄭成功乃世襲我朝同安侯鄭芝龍之子曩大
兵下閩芝龍首倡來歸雖經錄叙未稱報功緣睿
王疑心輕聽不計周全恩養以致爾疑懼留滯寄
跡海中情甘化外朕念父子大倫慈孝天性又既
為功臣子豈願為仇敵但道阻且修爾心無由上
達前者李德苛持爾家書至朕令細詢口語悉爾

至情朕惻然念之推心置腹何久新旧即使海隅
底定防鎮亦不需與其另擇他人豈如任用爾等
朕目加之封爵畀以事权聿同開國之功特錫承
家之慶茲封爾為海澄公掛靖海將軍印照例食
俸因爾兵卒房地原在泉漳惠潮四府即命住此
四府地方止將四府水陸寨遊營兵餉撥爾部官
兵不足不另補正額錢糧仍行解部其管民文官
俱聽部選爾原轄武官聽爾酌量委用姓名官銜
造冊送部即將疎順兵數目詳開奏聞海上諸款
爾須相機防勦洋船往來俱着管理稽察奸宄奴

取課稅交布政司解京地方官評民事詞訟錢糧
等項俱係有司職掌自有督抚管理尔不得干預
尔膺茲寵嘉受此信任務殫心竭力以爲報稱海
濱寧謐惟尔之功如果建有殊勲仍加茂賞山河
帶礪垂于永久忠孝克全身名俱泰豈不休哉尔
其欽承之勿替朕命 又勅諭曰朕臨天下思与
百姓休息底于太平其有負固不服者則兵之其
有輸誠國家天忠宣力者爵賞曷有靳焉尔父鄭
芝龍首先投順忠誠可嘉特畀侯爵壹、延賞封
尔爲海澄公伯尔叔一門恩榮朕豈憚于用兵如

此執但以為力服明威何如布恩示信尔不祇承
勅印尔仍遣李德等來尔父持尔書入告朕覽書
內有君擇臣之亦擇君之語尔來投誠正是擇君
朕破格委任正是擇臣君臣一心至誠相待何有
不信之處又云尔父爲貝勒所給屈抑數年尔父
在睿王果有猜疑看尔之事朕親政以來優厚大
臣加升尔父官爵同旧人前列恩禮罔間想尔亦
已悉知之又云一政一訟二三其令但罔山奉命
在先刊請太招抚在後及尔差人一到即令撤兵
何嘗失信又云畀以三省海教責令管理防勦并

非沿海地方前勅甚明豈可援以為請又云三府
屯兵并轄三省沿海地方原勅止有泉州等處並
未有三府之說此傳言之誤尔言一府不足屯兵
未為不是又云島上諸紳籍役已盡道府縣視為
奇貨或亦有之諸人果非叛逆有司何得執問既
係叛逆窮究党羽亦未為過又云公為五等上等
爵克總兵官尚在提督之下似為有理故命尔掛
靖海將軍印又云用人莫疑人莫用朕曰不疑
故授以封爵委尔以海上之事如有所疑豈肯加
封委任又云父親致力于內倪盡力于外付託得

入地方安靜此言殊不合理朕再三宣諭不願加
兵為地方兵火之苦又為尔父子間隔之情尔即
多所詞說皆所不計朕念尔兵卒衆多一府難以
安插錢糧委難支給仍益以漳州潮州惠州三府
并泉州四府駐劄即將四府水陸塞遊營兵餉撥
給尔部下官兵不足不另補正課錢糧仍行解部
管民文官俱听部選尔原轄武官聽尔遴選委用
仍將姓名職銜具題造冊送部開洋船隻尔得稽
察收納課稅送布政司解部朕待尔推心置腹毫
無猜疑尔受茲勅諭便當安插兵丁防勦海賊所

轄將士戍行約束勿使侵擾百姓上以報朕委任之意下以全爾等歸命之忠爾能積功累勞仍有懋功懋賞主臣相得垂諸史冊豈不休哉爾其欽承之

庚子 夜金星与木星同度在女宿

辛丑 昏刻大霧

陞國子監鳴籟師傅阿喇納為蒙古祭酒 以鑲白旗滿洲固山獲喇章京十蘭代一哥蝦吳旦正藍旗蒙古固山一哥蝦博託和正紅旗滿洲固山阿達哈：番布葉木俱為擺牙喇甲喇章京以正

紅旗蒙古固山二哥阿達哈：番巴雅思護爾正藍旗蒙古固山理事官索諾木正黃旗滿洲固山雅穆哈納巴喬魯俱為甲喇章京

壬寅 昏刻至次早日出大霧

癸卯 夜月生暈

江南巡撫蔡士英疏報南昌等府三十九州縣共墾荒田一万九千八百餘頃章下戶部

乙巳

以鑲藍旗滿洲固山二哥蝦喀代正藍旗滿洲固山三哥蝦噶爾瑪為擺牙喇甲喇章京正紅旗烏

真超哈固山阿達哈：番汪成功拜他喇布勒哈
番楊茂春正白旗蒙古固山理事官達賴為甲喇
章京 降河南巡按王亮教二級調外用以狗庇
學臣黃日祚及連例收用舊承差故也 以膠州
總兵海時行叛降山東巡撫夏玉一級照常管事
吏部議新推道臣房之麒歷任山東置買田地
既經山東荐舉復用北直保結策選之日不聲說
迴避應草賊得旨房之麒情弊爾部原知如何屢
駁方行說出倏降倏革是何議法堂司官俱看回
奏

丁未

鑄給八旗滿洲蒙古烏真超哈固山額真虎鈕銀
印

戊申 夜月生暈

陞內翰林國史院侍讀學士元得時為都察院右
付都御史巡撫河南等處提督軍務兼理河道
偏玩巡撫金廷獻以疾解任 吏部議浙江左布
政司張儒秀前任山西按察司以大計草賊今各
款訊虛應還賊但任浙藩時有衙役詐贓失察之
罪仍應降一級調用從之 河道總督楊方輿言

黃河舊遠砌城因患其滄淮始徙于羊山之南不
意土中伏有虎山復激水北流今董家堂堤圯衝
决勢難禦捍議于虎山象山以南改挑新河四千
一百七十餘丈旧河築壩截流使水尽歸新河以
利道運章下部知

己酉

以鑲藍旗滿洲固山理事翁愛為甲喇章京 吏
部回奏房之騏一案各誌罪請處久詔議改王貝
勒大臣詳確議處 川陝總督孟喬芳疏報西寧
孫家寨細民勾連海彝掘堡作叛付將秋應魁等

率兵擊之擒逆党初教牙固子等掃其巢穴下所
司卹叙

庚戌

先是兵部尚書固山額真噶達洪等言前在盛京
時凡遇有驚急則鳴鼓以集衆及入北京因盛京
遼濶設炮于煤山以為信後復停止今雖太平無
事但恐一旦有警無憑集衆奏入詔議改王貝勒
大臣會議至是和碩鄭親王濟爾哈朗等遵旨議
於白塔山及九門各設炮五座遇有警急白塔鳴
炮則九門俱應之各旗聞炮声皆披甲

御前內大臣等入直者仍留直所不應入直者左翼
於紫禁城東華門右翼于西華門外聚集包衣牛
录章京各率馬步甲兵于紫禁城北門外聚集蠡
章京甲喇章京各率擺牙喇噶布什吳馬步兵甲
兩黃旗于皇城北門兩白旗于東門西紅旗于西
門兩藍旗于金水橋聚集固山額真梅勒章京率
阿里哈超哈馬步官兵于各固山于適中之地聚
集固山額真蠡章京噶布什吳噶喇昂和親赴午
門聽令如固山額真無人則梅勒章京梅勒章京
無人則甲喇章京蠡章京無人則甲喇章京噶布

什賢噶喇昂和無人則噶布什吳章京或噶布什
賢蝦前來候旨步兵固山大各率章京步兵環立
城上豫政和碩親王以下固山貝子以上各留隨
侍屯于本固山擺牙喇聚集之處和碩親王碩十
五人多羅郡王碩十人多羅貝勒碩八人固山貝
子碩六人各聚集于門外不預政王以下公以上
各率隨侍屯于本固山擺牙喇聚集之處未上朝
王以下公以下各在家遣蝦一員赴午門探信其
聚集之時自和碩親王以下公以上各令直門章
京擺牙喇留于各門聽調即至包衣牛录甲兵各

聚集于本主之門其白塔鳴砲或奉

上諭遣人或部中遣人持有金牌至則舉炮金牌書
鳴炮字樣藏于禁中如有急不及報聞則各于有
急之處牽炮聞炮聲則各炮臺俱牽炮其守白塔
臺用烏真超哈西翼每翼章京各二人搭什庫各
二人每固山甲兵二人各城門炮原有章京披甲
兵應量撥舉炮人奏入從之

辛亥

戶部奏科臣李開生正限報災疏議復災限六月
終秋災限月終先將被災情形馳奏隨于一月之

內查核輕重分教題請豁免其逾限一月內者其
巡按及道府州縣各罰俸其逾限一月外者各降
一級如遲緩已甚則褫革永著為例報可

壬子

以甲喇章京巴雅思朗獲為兵部理事官 陞吏
科給事許作梅為工科右給事中 理事官舒書
坐籍後剛林家產時叔剛林女在家欲配伊從弟
為妻草理事官任

乙卯

議政王貝勒大臣等議房之騏銓補山東驛傳道

一案以吏部尚書朱馬喇等初謬執之騏為北直籍貫有旨察議仍巧言支飾以不迴避之罪歸之之騏至屢旨詰問方行認罪並出結少卿和傑監承藩士章等久別降章罰俸奏上得旨朱馬喇贖身章衙門佟代審古里譚泰科尔坤希特納崔世祿杭愛楊崔祥鍾有鳴苗澄宜克金光祖俱贖身仍留衙門穆成格罰俸半年仍留衙門金之後罰俸一年調用孟明輔呂宮馬光裕各罰俸一年仍留衙門宗學誅先後巧辯章賊永不叙用房之騏章賊永不叙用和傑藩士章各罰俸六個月仍留

衙門 以內翰林弘院學士蘓納海為吏部尚書
陞鑲白旗滿洲固山操牙喇甲喇章京屠世海
為本旗蠶章京

丙辰

諭吏部曰總督管轄教省巡撫專任一方得其人則事治民安非其人則叢奸濟弊民受其害如不行攷核賢否無繆何以示勸懲着以順治十一年正月起尔部會同都察院天公天慎將各地方總督巡按叅加攷核分別確議具奏不許通賄行私朦蔽徇縱向來推用督撫但只舉待部而按今後

遇有督抚員缺勿拘品級須要從公推擇其品行才猷素著者將行過事實詳註會推本內不許聽受鑽營濫用非人澄請吏治責在督抚黜陟督抚責在部院如推舉不公着都察院科道官指實糾劾 又諭吏部曰朕爲治方殷用兵爲急原任戶部尚書党宗雅清勤素著前雖告老歸里才品實堪委任茲特起用着諭到之日即速赴京朝見不得引年託辭尔部即行傳諭 又諭吏部曰吏部居六科之首人才用舍治亂攸關今尚書員缺宜精選用朕觀弘文院大學士劉正宗清正介耿堪

克此任特加一級加太子太保管吏部尚書尔部即行傳知 奪刑部侍郎宜尔都齊一孫他喇布勒哈着內大臣額尔克代青公教齊尔囊章京希尔根各一拖汝喇哈着仍解宜尔都齊侍郎任以其審敦達札訟冤一案遺漏口供致其誤罹于罪故也 戶部言江南各府屬旱災除有漕糧州縣已經改折其無漕糧州縣衛所被災八分以上者免十久之三七久以下者免十久之二四久免十一後之

丁巳

予福建甸難建安縣知縣李雲華祭一壇

戊午 午刻日生半暈左右有珥東北方生背

氣 工部覆御史高尔位疏欲得籍沒官屋每城
撥八閩增置栖流所以處飢民報可 三寺阿達
哈之番唐鈺坐強役民人及祠宇踰制革職 浙
閩總督劉清泰江西巡撫蔡士英浙江巡撫蕭起
元各疏報浙江會勦將領陳陞等自均潭進攻九
仙山賊寨逆首楊文中砲死賊弟楊富賊將劉理
順等勢窮乞降餘黨悉平下所司叙卹

已未

戶部議江西省五十四州縣旱灾應酌免無錢糧
州縣漕糧如江南從之

庚申

經畧全省大學士洪承疇疏陳全楚情形及分駐
劄勦禦事宜言楚省寇亂多年久知逆賊孫可望
等抗拒河南而不知和搖旗一隻虎等肆害湖北
今湖南有重兵久駐預備防勦但各郡寫遠不免
首尾難顧之憂其荆州賊孽倘或由澧州而犯常
德或截岳州以犯湘渾則我兵腹背受敵臣与督
臣議臣宜往來長沙四應調度督臣移駐荆州提

督官兵宜赴荊州節襄間所調仍俟另撥各營官
兵增武昌城守以壯聲援又陳粵西情形及戰守
事宜言頃者桂林雖云恢復其寔附郭止臨桂一
縣外即止靈川興安全州三州縣而已逆賊李定
國距省二百里耽延思逞滿洲後勦官兵豈能久
留將來有恢復州縣何以久守兵至則賊退兵去
則賊復合彼逸我勞甚在兵家之忌又若孫運探
我共出接回以靖仇賊共截粵西險道則我首尾
難顧反置孤兵于徵冰種之危形顯然易見目前
已炭促所調官兵速往協同戰守俟臣親歷衡永

再商机宜以聞俱下所司速議 直隸山東河南
總督馬光輝以病乞休溫旨留之

辛酉

陞正黃旗擺牙喇甲喇章京緯宜爾為本旗蒙古
固山梅勒章京 予阿思哈之番固山額真品吳
費祭一壇

十二月壬戌朔

癸亥

諭吏部曰朝廷設立言官原為矢忠進諫糾彈不
法近來言官未見有建白閔切糾參顯要皆因懼

被論之人反唇仇訐遂爾緘默自今以後凡被論者如有辨處止許就所叅事款把實剖白不許反反唇仇訐有乖法紀言官亦不得挾私誣捏自取咎戾其叅奏公私當否或見任或陞任考察京官之時該部院分別核奏以為勸懲爾部即行爰飭又諭曰原任戶部尚書謝啟光前雖革職回籍朕聞其老練有才况使功不如使過着与起用以觀自新諭弼作速赴京黑龍江鄂尔多斯等貢貂皮晏賚如例

乙丑

以拜他喇布勒哈番巴當世為戶部理事官以鑲藍旗蒙古固山理事官哲克舒爾阿達哈、番滿濟為甲喇章京補服閣內翰林弘文院編修朱之錫原官河南開歸總兵官高第陝西臨鞏總兵官魯宗孔俱引疾乞休許之

丙寅

命固山額真陳太為寧南靖寇大將軍同固山額真藍拜濟什燾章京禎克薩哈等願官共駐鎮河南賜之勅曰回逆賊孫可望等煽亂河南蹂躪地方特命爾陳泰為寧南靖寇大將軍同藍拜濟什

哈爾克薩哈等統率大兵征勦河南爾等公同經
畧輔臣洪承疇從長商確擇河南河北相應地方
駐劄其用兵宜机亦同經畧議行倘賊兵來犯須
協力多出方畧随机勦除凡有舉動可与固山額
真彙章京梅勒章京等商酌勿拘衆自用勿恃強
輕敵須偵諜謹密勿致疎虞賊有抗拒不服即為
殄滅其先為賊迫從後聞大軍至來降者悉宥前
罪若有縛斬賊渠來降者分別旌賞務期綏戢生
民於束士卒端順良民不得侵擾以付朕定亂救
民之意從征官兵有功者察紀彙奏小事即行祭

落分得撥什庫壯大以下除死罪外其一切大小
罪過公議處分爾等膺茲重任當益加勤勵爾其
欽此

上又念比歲不登芻糧缺乏從征將士馬多羸瘦若
令自為飼養恐難贍給分別支量銀兩騎兵無馬
者每牛乘發馬十匹復諭統兵固山額真彙章京
梅勒章京曰前軍失机俟到日議處我朝用兵從
無此失爾等遇有軍机会同各營將領商酌而行
悉心無隱蓋師行原有一定紀律大小將佐果能
為國効力安有敗衄尚其勉之慎勿藐視主帥更

須獎勵士卒若能愛衆豈有遇敵而不爭先効死者乎

丁卯

以吏部右侍郎兼內翰林秘書院學士呂宮為內翰林弘文院大學士 補原任巡撫宣府都察院右付都御史馮聖兆仍以原銜巡撫偏沅提督軍務 以阿達哈、雷博、爾戴為議政大臣梅勒章京阿思哈為刑部侍郎

戊辰

贈廣西殉難府江道周永緒右江道金漢蕙為光

祿寺卿平樂府知府尹明昆為太僕寺卿平樂知縣奎起鵬富川縣知縣華鍾為本省按察司僉事各廕一子入監讀書 陞額者庫哈雷略代為禮部理事官

己巳

贈殉難四川安綿道參議梁一訓為光祿寺卿廕一子入監讀書

庚午

諭平西王吳三桂曰朕惟折衝禦侮社稷良臣報德崇功國家盛典爾平西王吳三桂英才自命雄

畧群推早識

天心先歸王室子居甥館親聯帶礪之間身受封藩
寵列公侯之右曩入關破寇後定中原暨衛命抚
秦共平西陝蓋忠勤之備至亦威惠之交孚繼以
巴蜀跳梁特命陳師致討成都諸邑悉隸版圖保
郡餘氛旋成殄滅厥功懋矣朕甚嘉焉聿彰圖閣
之猷爰申詔祿之典茲將功次續入冊內又于藩
俸六千兩外加俸一千兩以報勤勞嗚呼元老壯
猷忠尚資于頗牧戚臣宣力誼更薦于腹心王其
鞏固封域殫抒籌策績益宏于戡定盟永重于山

河尚克祇承無斁朕命 補原任吏科給事中林
起龍原官

辛未

上幸南苑

甲戌

陞內翰林秘書院侍讀楊熙為內翰林國史院侍
讀學士工部啟心節孫代為內翰林弘文院侍讀
學士 吏科付理事官彭長庚言凡八旗世胄之
臣在各衙門供職者偶有過失者止應革其衙門
職銜在旗下犯事者止應革其旗下職掌近或曰

衙門小過並草其世賤將無以微瑕而累全累瑜
予請今後凡陣前踈虞者議草世賤其他一肯止
就賤掌處分庶賞罰克當下部確議免浙江金
華府局八縣旱災九年額賦有差

戊寅

順天府進春 陞刑部理事官侯襲爵為都督余
事充鎮守陝西臨鞏總兵官平陽付將范承宗為
署都督余事充鎮守河南開歸總兵官甘肅付將
齊陞為署都督余事充鎮守廣東肇慶總兵官
陞戶部啟心部石喬為內翰林弘文院學士禮部

啟心部千代為內翰林秘書院學士

癸未

致仕少師戶部尚書党崇雅疏言臣蒙

聖諭召臣赴京特恩起用誼不敢辭但臣母八旬奄
奄卧床臣年七十老態倫見倘復任臣以官必至
溺賤乞收回成命臣母與臣共戴

皇仁矣報曰卿回籍逾年清操懿行每係于心今覽
所奏親病不惡離親哀步履艱情詞誠為慄切但
朕求賢為治惓懷老成年雖七十犹堪任事宜劬
遵前諭來京君親兼顧忠孝兩全痴心可安朕懷

亦慰命和碩敬謹親王尼堪子尼思哈襲爵
設兵部督捕滿漢侍郎各一員增司官各六員
另設公署高理緝逃捕寇事務以鑾紅旗滿洲
固山阿達哈、番鄂拜為本旗蒙古梅勒章京阿
達哈、番羅畢為議政大臣陞禮部右侍郎高
珩為吏部右侍郎兼內翰林國史院學士內翰林
秘書院學士梁清標為禮部右侍郎仍兼原銜
總督陝西四川兵部尚書孟喬芳引疾請代
上念其勤勞素著加少保馳驛回京調理

甲申

免河南開封彰德衛輝懷慶汝寧府屆州縣水災
九十兩羊額賦

乙酉

工科給事中張玉治疏言明末侍郎孟兆祥暨子
進士孟章明大理寺卿凌義渠寺丞申佳胤御史
陳純德勳臣張慶臻劉文炳衛時春俱殉難情真
忠烈昭然乞勅部旌表下所司議

丙戌

江寧巡撫周國佐疏報海運入犯吳淞遣付將張
思達叅將雷應春等出洋進勦將士奮勇轉戰一

百四十餘里殺傷無算泰將張其業楊國海先登
陣歿下所司卹叙

丁亥

上自南苑還宮 是夜地震有声

庚寅 歲暮享

太廟 遣官祭

福陵

昭陵

四祖陵

遣官祭太歲月將之神 是歲人丁戶口
一千三百九十一萬六千五百九十八田地山蕩

三百八十八萬七千九百二十六頃三十六畝陸
地二萬二千九百八十八個徵銀二千一百二十
八萬七千二百八十八兩四錢米麥豆五百六十
七萬二千二百九十九石九斗有奇草二百九十
萬九千一百一十八束中茶三萬七千三百五十
筥行鹽三百七十六萬一千五百三十八引徵課
銀二百一十三萬八千一十六兩三錢鑄厘錢二
十五萬二千一百六十六萬三千七百四十文有
奇銅錢二十一萬三千三百七十文有奇鈔一十
二萬八千一百七十二貫四百七十文有奇

卷之七十九終

